

**TERMA DAN SYARAT**  
**KEMPEN GANJARAN KESETIAAN SIMPAN**  
**SSPN PRIME 2022**

**KEMPEN**

1. PTPTN sentiasa menghargai pendeposit yang kekal setia dengan produk Simpan SSPN Prime. Dengan itu, pada tahun ini, sekali lagi PTPTN menawarkan **Ganjaran Kesetiaan Simpan SSPN Prime 2022**, iaitu ganjaran tambahan yang diberikan kepada pendeposit yang setia sebagai tanda penghargaan;
2. Berbeza dengan dividen, **Ganjaran Kesetiaan Simpan SSPN Prime 2022** diberikan atas simpanan tahun semasa yang dibuat dalam tempoh kempen.

**KELAYAKAN DAN TEMPOH KEMPEN**

3. Terbuka kepada pendeposit yang **membuka akaun Simpan SSPN Prime pada tahun 2004 sehingga 31 Disember 2018** (“akaun yang layak”);
4. PTPTN mempunyai hak mutlak untuk menukar atau meminda tempoh kempen ini sekiranya perlu dengan memberi notis awal melalui laman web rasmi PTPTN, media massa, paparan notis di cawangan-cawangan PTPTN atau apa-apa cara yang difikirkan sesuai sekurang-kurangnya dua puluh satu (21) hari kalendar;
5. Penentuan syarat kelayakan dan tempoh kempen adalah seperti berikut:

Tempoh Kempen	Tempoh Pengekalan	Syarat Kelayakan Ganjaran Kesetiaan
22 Februari 2022 - 30 April 2022	1 Mei 2022 – 31 Julai 2022	<ul style="list-style-type: none"><li>• Membuat penambahan simpanan terkumpul sekurang-kurangnya <b>RM500 pada akaun yang layak</b> (tidak termasuk dividen tahun semasa).</li><li>• Setiap akaun yang memenuhi syarat kelayakan akan menerima <b>Ganjaran Kesetiaan sebanyak 1% atas simpanan yang dibuat dalam tempoh kempen.</b></li><li>• <b>Pengeluaran tidak dibenarkan</b> daripada mana-mana akaun di bawah pendeposit yang sama dalam tempoh kempen.</li><li>• <b>Pendeposit tidak dibenarkan</b> untuk membuat pengeluaran simpanan daripada <b>akaun yang LAYAK terima Ganjaran Kesetiaan</b> sepanjang tempoh pengekalan.</li></ul>

6. Sekiranya berlaku kematian pendeposit dalam tempoh kempen, akaun itu masih layak untuk menerima Ganjaran Kesetiaan sekiranya memenuhi terma dan syarat.

### **PEMBERIAN GANJARAN KESETIAAN**

7. Jumlah **maksimum Ganjaran Kesetiaan yang akan dikreditkan** ke dalam akaun yang layak adalah **RM8,000 untuk setiap akaun**, tertakluk kepada jumlah sebenar simpanan yang dibuat;
8. Pemberian Ganjaran Kesetiaan ini adalah secara automatik dan akan dikreditkan ke dalam akaun yang layak pada bulan Ogos 2022;
9. Ganjaran Kesetiaan yang dikreditkan adalah **TIDAK LAYAK** untuk diambil kira sebagai sebahagian daripada potongan cukai. Potongan yang dituntut adalah terhadap kepada amaun tabungan bersih (jumlah caruman pendeposit) di dalam Simpan SSPN yang dilakukan oleh seseorang individu yang terhadap kepada RM8,000 di dalam sesuatu tahun sahaja;
10. Ganjaran Kesetiaan tidak boleh ditukar atau dipindah milik sama ada sebahagian atau keseluruhannya dalam bentuk lain atau kepada mana-mana akaun Simpan SSPN Prime pendeposit yang lain selain yang ditetapkan oleh PTPTN;
11. Keputusan penerima Ganjaran Kesetiaan oleh PTPTN adalah muktamad. Sebarang surat-menyurat, pertanyaan, rayuan, bantahan atau apa-apa cubaan untuk mempertikaikan keputusan adalah tidak akan dilayan;
12. Penerima Ganjaran Kesetiaan boleh dihubungi pada bila-bila masa yang dianggap wajar oleh PTPTN, melalui e-mel atau apa-apa cara komunikasi lain yang difikirkan sesuai oleh PTPTN.

### **PERUNTUKAN UMUM**

13. Sebagai pendeposit yang mempunyai akaun aktif, pendeposit dianggap telah membaca, memahami dan bersetuju dengan terma dan syarat yang ditetapkan dan membenarkan butiran peribadi mereka termasuk tetapi tidak terhadap kepada data peribadi untuk digunakan bagi tujuan promosi;
14. Untuk mengambil bahagian di dalam kempen ini, pendeposit mestilah termasuk di dalam kriteria kelayakan dan memenuhi mekanisma kempen. Melainkan dinyatakan sebaliknya oleh pihak PTPTN, pendeposit tidak perlu menandatangani atau melengkapkan apa-apa borang permohonan untuk mengambil bahagian di dalam kempen;
15. PTPTN berhak meminda, membatalkan atau menambah mana-mana terma dan syarat di dalam kempen ini sama ada secara keseluruhan dengan memberi notis awal melalui laman web rasmi PTPTN, media massa, paparan notis di cawangan-cawangan PTPTN atau apa-apa cara yang difikirkan sesuai sekurang-kurangnya dua puluh satu (21) hari kalendar. Pindaan, pembatalan atau penambahan tersebut adalah dianggap mengatasi pernyataan seperti mana yang terkandung di dalam bahan promosi pengiklanan yang berkaitan dengannya.

16. Pendeposit adalah dinasihatkan untuk melayari laman sesawang PTPTN dari semasa ke semasa untuk menyemak terma dan syarat serta mengambil maklum atas sebarang perubahan atau pindaan kepada terma dan syarat ini;
17. PTPTN berhak untuk membatalkan, menamatkan atau menangguhkan kempen ini dengan memberi notis awal melalui laman web rasmi PTPTN, media massa, paparan notis di cawangan-cawangan PTPTN atau apa-apa cara yang difikirkan sesuai sekurang-kurangnya dua puluh satu (21) hari kalendar. Untuk mengelakkan keraguan, sebarang pembatalan, penamatan atau penggantungan kempen ini oleh PTPTN tidak akan memberi hak kepada mana-mana pendeposit untuk apa-apa tuntutan atau pampasan terhadap PTPTN ke atas apa-apa dan/ atau keseluruhan kehilangan, kos, perbelanjaan atau kerosakan yang ditanggung atau dialami sebagai kesan langsung atau tidak langsung daripada pembatalan, penamatan atau penggantungan tersebut;
18. PTPTN tidak bertanggungjawab ke atas penghantaran penyertaan yang lewat, hilang, tidak lengkap, tidak diserahkan, ditangguhkan, rosak atau salah arah sama ada disebabkan kesilapan, peninggalan, pengubahan, gangguan, penghapusan, kecurian, pemusnahan atau sebaliknya;
19. PTPTN berhak membatalkan sebarang penyertaan tanpa sebarang notis, sekiranya didapati pendeposit tidak layak dan tidak mengikut terma dan syarat yang telah ditetapkan;
20. Penyertaan pendeposit di dalam kempen ini adalah atas risiko pendeposit sendiri. PTPTN tidak akan bertanggungjawab di atas sebarang kecederaan, kehilangan, kerosakan atau tuntutan akibat penyertaan tersebut;
21. Segala terma dan syarat yang terdapat di dalam dokumen ini dan juga sebarang keputusan yang dibuat oleh PTPTN berhubung kempen ini adalah muktamad dan konklusif. PTPTN tidak akan melayan sebarang rayuan atau pertikaian melibatkan keputusan yang telah dibuat;
22. Sekiranya terdapat percanggahan terma dan syarat kempen ini di dalam bahan pengiklanan, promosi, publisiti dan bahan-bahan lain berkaitan dengan kempen ini, maka terma dan syarat di dalam laman web rasmi PTPTN adalah yang muktamad. Sebarang perkara mengenai kempen yang tidak dinyatakan di dalam terma dan syarat adalah bergantung kepada budi bicara mutlak pihak PTPTN;
23. PTPTN boleh menggunakan penyertaan pendeposit termasuk tanpa terhad kepada gambar, lukisan, teks, dan kandungan atau maklumat lain yang dikemukakan untuk tujuan promosi (secara kolektif dinamakan "Bahan"), dan nama pendeposit, dan/ atau persamaannya, untuk tujuan pengiklanan, publisiti dan promosi mana mana barangan atau perkhidmatan PTPTN, untuk tempoh tidak terhad di seluruh dunia tanpa pampasan, dan dalam mana-mana media. Pendeposit hendaklah melakukan segala perkara yang perlu untuk tujuan ini jika diminta oleh PTPTN;
24. Segala surat-menyurat yang dihantar ke alamat terakhir mengikut rekod PTPTN adalah dianggap telah diserahkan kepada pendeposit.

*Nota: Anda dinasihatkan untuk membaca dan memahami Terma & Syarat penuh  
**Kempen Ganjaran Kesetiaan Simpan SSPN Prime 2022***

*Maklumat dikemaskini pada 08 Februari 2022*